



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

58, 59, 60, 61,  
62, 63, 64, 65,  

---

66, 67, 68, 69, 70,  
71, 72, 73, 74

2  

---

L-85



2010

ԼՍ Ա Ր Ա Ն

40p

ՀՈԳԵՇԱՀ ՊԱՏՄՈՒԹԵԱՆՅ

2

Տ Օ Ն

ԾՆՆԴԵԱՆ ԵՒ ՄԿԲՏՈՒԹԵԱՆ

ՔՐԻՍՏՈՍԻ

Տպագրեալ Երանանու Վեհափառ Տնան

ՏԵԱՌՆ ԳԷՈՐԳՈՅ Գ,

Աստուածընտի Կարողիսի Ամենայն Հայոց



Ի Կ. ՊՕԼԻՍ

Ի ՏՊԱՐԱՆԻ Ճ. ԱՐԱՄԵԱՆ

1870-ՌՅԺԹ

4

« Եթէ կրնաս ձայնդ բարձրացրնել, խօսէ :  
 Եթէ գիրք միայն թողուն քովդ, գրէ : Փողոցին  
 մէջ քարի մը վրայ կանգնած՝ քարոզէ, եթէ  
 կրնաս . եթէ հրապարակական կեանքը փակ  
 է, տանդ մէջ բան սովբեցուր : Եթէ ձայն չու-  
 նիս, օրինակ տալու կարողութիւն ունիս :  
 Այս ոչ առաքինութիւն է, ոչ կարգէ դուրս  
 գործողութիւն . այլ պարտք է՝ պարզ ու յըս-  
 տակ : Աշխարհիս մէջ Աստուծոյ կողմանէ այն  
 եղիք, ինչ որ է բժիշկը մարմնոյ հիւանդու-  
 թեանց համար . բժիշկը պարտական է հասնե-  
 լու ամենայն ցաւագարաց, եւ դու պիտի հաս-  
 նիս ամենայն տգիտաց : Քու Ստեղծողդ կե-  
 նացդ համարը պիտի պահանջէ քեզնէ : Յոյսդ  
 մի դներ բացասական առաքինութեան վրայ,  
 որ միայն ուրիշի վնաս չընելն է . քեզի օրէնք  
 տրուած է որ հասարակաց գործոյն համար աշ-  
 խատիս, եղբարքդ սիրես, լուսաւորես, մխի-  
 թարես, ազատես մոլութենէ ու մոլորութենէ,  
 եւ առ Աստուած առաջնորդես :

Կեանքն ալ այս է, մարդն ալ այս :

ԺԻՒԼ ՍԻՄՈՆ

(Իմաստասէր եւ Քաղաքագէտ գաղղիացի :)



# Լ Ս Ա Ր Ա Ն

ՀՈԳԵՆԱԸ ՊԱՏՄՈՒԹԵԱՆՅ

Տ Օ Ն

ԵՆԵՂԵԱՆ ԵՒ ՄԿՐՏՈՒԹԵԱՆ  
 ՔՐԻՍՏՈՍԻ

Յղագրեալ իրամանաւ Վեհափառ Տեառն

ՏԵԱՐՆ ԳԷՈՐԳՈՅ Գ,

Սասնամբնիւր Կարողիկոսի Ամենայն Հայոց .



Ի Կ. ՊՈԼԻՍ

Ի ՏՊԱՐԱՆԻ Ճ. ԱՐԱՄԵԱՆ

1870-ՈՅԺԹ

Հ Մ Գ 28418-42

ՀԱՅԿԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

ՀԱՅԿԱՍՏԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

Կ. ՊՈԼԻՍ ՏՊԱԳՐ. ԱՐԱՄԵԱՆ

Չագնագնդար Փողոց, Յակոբեան-Խան, Թ/ս 4, 6.



11408-57

5.





Տ Օ Ն

ԱՍՏՈՒԱԾ ԱՅԱՅՏՆՈՒԹԵԱՆ

Ո Ր Է

ԾՆՈՒՆԴ ԵՒ ՄԿՐՏՈՒԹԻՒՆ

ՏՆԱՌՆ ՄՆՐՈՑ

ՅԻՍՈՒՍԻ ՔՐԻՍՏՈՍԻ

« Անաւաթիկ աւետարանն ձեզ ուրախութիւն մեծ ,  
 որ եղիցի ամենայն ժողովրդեանդ . զի ծնաւ ձեզ  
 այսօր Փրկիչը , որ է օծեալ Տէր , ի բաղաբի  
 Գաբի . » ԳՈՒԿ . Բ . 10 :

**ՔՐԻՍՏՈՍԻ** Տեառն մերոյ հրաշափառ Ծը-  
 ննդեանն և Մկրտութեան օրը յիրաւի աւետաւոր օր մի  
 է ամենայն Քրիստոնէից համար , և ամենամեծ ուրա-  
 խութեանն օր . վասն զի այսօր Աստուած՝ Արարիչն երկ-  
 նի և երկրի՝ սքանչելի խորհրդով աշխարհք եկաւ կու-  
 սական ծննդեամբ , մեզի նման մարդ , միանգամայն և  
 Աստուած , որպէս զի վրկէ զմեզ ի մեղաց և ի գերու-  
 թենէ սատանայի : Ուստի և մեր Սուրբ Եկեղեցին մեծ  
 ուրախութեամբ կհրաւիրէ զմեզ այսօրուան տօնը արժա-  
 նաւոր շնծութեամբ կատարելու , և կասէ Ետրականին  
 խօսքերովը . « Զի կուսէն մարմնացեալ Բանն՝ եկայք ժո-

ղովուրդք՝ ընդ հովիւան բարեբանեացուք, և ընդ մագուցն երկրպագեացուք, ընդ երկնային զօրսն երգեացուք Փառք ի բարձունս Աստուծոյ : — Եկէք, ս՛կ հաւատացեալ ժողովուրդներ, հովիւներուն հետ մէկտեղ օրհնեմք ու գովեմք զհասնն Աստուած որ մարմին առերէ ի Սուրբ Կուսէն . մագերուն հետ մէկտեղ երկրպագութիւն անեմք իրեն, և երկնային զօրաց՝ այսինքն բոլոր Հրեշտակաց հետ մէկտեղ երգեմք նոցա այսօր երգած երգը, Փառք ի բարձունս Աստուծոյ : — Երանի այն քրիստոնէին որ այս անպատմելի ուրախութեան և ճշմարիտ ջերմեռանդութեան մասնակից լինի այսօր, և ասոր հոգևոր պտուղները՝ այսինքն շնորհքները վայելէ, որ են հաշտութիւն ընդ Աստուծոյ, խաղաղութիւն սրբոսի և հոգւոյ, սէր առ մարդիկ և ջանք նմանող լինելոյ մարմնացեալ Փրկչին մերոյ :

Տեսնեմք թէ ինչպէս ու ինչ պարագաներով եղաւ այսօր Քրիստոսի Տեսուն մերոյ Մտունդն ու Մկրտութիւնը, և թէ Սուրբ Եկեղեցին ինչ կերպով կկատարէ ամէն տարի այս հրաշափառ տօնը :

Օգոստոս Կայսեր ժամանակը Հռովմայեցիք Եւրոպայի, Ասիոյ ու Ափրիկէի շատ տեղերուն տիրապետած էին . ուստի Հրէաստանն ալ նոցա իշխանութեան տակն էր : Հրաման ելաւ Կայսեր կողմանէ որ տէրութեան բոլոր երկիրներուն բնակիչները համբուին ու զիր անցուին, և այս գործողութիւնը գիւրաւ կատարուելու համար՝ ամէն մարդ իրեն կամ իւր նախնեացը ծնած քաղաքն երթայ ու հոն գրուի : Սուրբ Յովսէփ Գաւիթ մարգարէին ցեղէն ու Բեթղեհէմ քաղաքէն էր, բայց այն միջոցին կրնակէր Նազարէթ քաղաքը՝ որ Գալիլեա ասուած նահանգին մէջ էր . պէտք եղաւ որ առնու իւր

խօսեցեալը, այսինքն զամենասուրբ Այսն, և երթայ Բեթղեհէմ : Եւ որովհետեւ այն աշխարհագրին պատճառը ուրիշ շատ մարդիկ ևս եկած լցուած էին քաղաքին աներն ու իջևանները, քաղաքէն դուրս այլի մը մէջ քաշուեցան, ուր հովիւները և ուրիշ դեղացիներ իրենց անասունները կգահէին : Սրբոյ Աւուսին ծնանելու օրերն հասած լինելով, այն տեղն եղաւ Քրիստոսի Տեսուն մերոյ հրաշափ Մտունդը : Ամենօրհնեալ մայրը խանձարուրի մէջ պատեց նորածին մանուկն ու հանդչեցոյ զինքը մըսուրին մէջ, այսինքն կենդանեաց խոտ ուտելու տեղը : Արով այն խեղճուկ այրը կամ գոմը աւելի հոյակապ՝ աւելի փառաւոր եղաւ քան թէ կայսերաց և թագաւորաց ոսկէղօծ պալատները . այն աղքատիկ խանձարուրքը աւելի շքեղաշուք եղան քան թէ ծիրանածին թագաւորացանց աղնիւ ու փափուկ բեհեղները, և այն խոնարհ ու անշուք մսուրը աւելի ահաւոր ու պատուաւոր՝ քան թէ թագաւորական դահոյքն ու աթոռները . վասն զի Տէրն տերանց և Թագաւորն թագաւորաց էր անոնց մէջ հանգչողը մարդկային բնութեամբը :

Այն սրբին մօտ տեղերը դաշտի մէջ հովիւներ կային, որ զիշերները դուրսը կեցած՝ պահպանութիւն կրնէին իրենց ոչխարներուն : Յանկարծ հրեշտակ մը երևցաւ հովիւներուն, և երկինքէն լոյս մը ծագեցաւ նոցա վրայ՝ այնպէս սաստիկ ու փառաւոր՝ որ խեղճերը մեծ վախի մէջ ընկան : Հրեշտակը սիրտ տուաւ հովիւներուն . «Մի վախնաք, ասաց . ես անոր համար եկայ որ մեծ և ուրախալի աւերուի՝ աչքի լոյս մը տամ ձեզի . այնպիսի աւերսիս մը որ բոլոր ժողովրդեան ալ ուրախութիւն պիտի պատճառէ . վասն զի այսօր այս վայրկենիս Փրկիչ մը ծընու ձեզի, որ Մեսիան է՝ Աստուած է, Գաւիթ մարդ



դարէին քաղաքը : Գնացէք՝ ձեր աչքովը տեսէք, ու այս նշանովս ճանչցէք որ նորածին տղան խանձարուբքով պատած ու մտուրի մէջ դրուած է : Հրեշտակը այս խօսքերս դեռ ըսելու վրայ էր, յանկարծ անոր չորս բռնորը երևցան անթիւ անհամար հրեշտակներ, որ ամէնքը մէկտեղ զԱստուած կփառաբանէին ու կրօնէին : Փառք ի բարձունս Աստուծոյ, և յերկիր խաղաղութիւն, ի մարդիկ հաճութիւն : այսինքն՝ Փառք բարձրելոյն Աստուծոյ, որ երկրիս խաղաղութիւն պարգևեց, ու մարդ-



կային ազգին հետ հաշտուեցաւ զթութեամբ : Այս ըսին հրեշտակներն ու դէպ ի երկինք վերացան :

Հովիւները հիացած զարմացած մնացեր էին իրենց տեսածին ու լսածին վրայ . դարձան ըսին իրարու թէ «Նկայք երթիցուք մինչև ցֆեթղեհէմ, և տեսցուք զինչ է բանս այս որ եղև, զոր Տէր եցոյց մեզ » . — Նկէք երթա՛ք մինչև Բեթղեհէմ քաղաքը, տեսնե՛ք թէ այս ինչ բան է որ եղեր է ու Աստուած յայտնեց մեզի : — Եուստ մը ճամբայ ելան, դնացին արտորալով, և գտան զՍուրբ Ադյան Մարիամ և զԱստուածահայրն Յովսէփ, և նորածին Փրկիչը մտուրին մէջ դրուած . իսկոյն հասկըցան

որ նորա համար էին հրեշտակներուն ըսածները . երեսն վրայ ընկան՝ երկրպագութիւն ըրին անոր իբրև ճշմարիտ Մեսիայի, Աստուծոյ վառք տալով դարձան իրենց տեղերը, և ում որ հանդիպէին՝ կպատմէին ուրախութեամբ իրենց տեսածն ու լսածները, այնպէս որ ամէն լսողներն ալ կղարմանային : Գուցէ իրենց զարմանքին մէկ պատճառն ալ այս էր որ Աստուած ինչու պարզամիտ ու աղքատ հովուաց յայտնեց իւր մեծ խորհուրդը, և ոչ աշխարհիս իմաստուններուն ու մեծամեծներուն . խելքերնին չէր հասներ Պօղոս առաքելոյն մեզի բացատրած ճշմարտութեանը թէ «Աստուած աշխարհիս յիմար անուանած մարդիկն ընտրած է միշտ, որ նոցա ձեռքովը ամբըցընէ ինքնահաւան իմաստունները . աշխարհիս երեսը տկար ու խելճ համարուած մարդիկն ընտրեր է՝ որ զօրաւորներն ամբըցընէ . մէկ խօսքով, մարդկանց ոչընչի տեղ դրած անձինքն ընտրած է՝ որպէս զի իրենք զիրենք բանի տեղ զնողները ջնջէ վերցընէ : »

Բայց Աստուած կամեցաւ որ աշխարհիս իմաստուններն ու մեծամեծներն ալ պատճառ չունենան տեղուհալու և յուսահատելու Աստուծոյ սղորմութենէն . այլ դիտնան որ իրենց ձեռքն է յանխոնական փրկութեան հասնիլը՝ եթէ իմաստութեան հետ ունենան ճշմարիտ խոնարհութիւն, պարզմտութիւն ու համբերութիւն . հարստութեան հետ՝ հողուով աղքատութիւն . մեծութեան և իշխանութեան հետ՝ հեղութիւն ու արգարութիւն . ինչպէս որ յայտնի է նաև առաջիկայ պատմութենէն :

Հրէաստանի արևելեան երկիրներէն մէկուն մէջ երեք իմաստուն աստղաբաշխներ կային՝ որ անուանի էին իրենց իշխանութեամբը՝ մէկմէկ փոքրիկ թագաւորներու

պէս . իրենք մեզ կատուէին , և ինչպէս որ աւանդու-  
թիւն է՝ անուհներն էին Մելգոն , Գասպար և Քաղտա-  
տար : Մորա իրենց աստուածապաշտ նախնիքներէն լրած  
էին անշուշտ որդւոց որդի՝ թէ աստնով մարդկային  
ազգիա Փրկիչ մը պիտի գայ աշխարհք՝ Հրէից ազգէն :  
Քրիստոսի Մենդեան օրերը նորանշան ապող մը տեսան  
երկնքին երեսը . հասկրցան , — գուցէ նաև Սասուած  
ժային յայտնութեամբ , — թէ այն լուսախայլ աստղը  
սովորական երկնային մարմիններէն մէկը չէ . տեսան որ  
ուրիշ աստղերէն ցած է , և դէպ ի Հրէաստանի վրայ  
կըշարժի . ճանապարհ ելան՝ եկան Երուսաղէմ , և սկսան  
մէկուն մէկաբին հարցնել թէ Հրէից նորածին թագա-  
ւորն ո՞ր տեղ է . Մեք նորա աստղը տեսանք երբոր արե-  
ւելքն էինք , ու եկանք որ երկրպագութիւն ընեմք իրեն :

Այն ժամանակները Հրէից թագաւոր Հերովդէսն էր .  
— 72 տարեկան՝ անգութ մարդ . և որովհետև ինքը ազ-  
գաւ Հրեայ չէր , այլ Սելուկացիցի այլազգի էր՝ Սոկա-  
ղոն քաղաքը ծնած , Հրէից կրօնքն ընդունած , ու Հը-  
ւովմայեցւոց պաշտպանութեամբը՝ Հրէաստանի թագա-  
ւորութիւնը Մակաբայեցւոց ցեղին ձեռքէն յափշտա-  
կած . — երբոր լսեց մոգերուն լրած խօսքը թէ նոր թա-  
գաւոր մը ծներ է Հրէից , խկոյն կասկածի գնաց որ նա  
Մեսիան պէտք է լինի , մեծ շփոթութեան և տաղնապի  
մէջ ընկաւ . բոլոր Երուսաղէմացիք ալ երբոր լսեցին՝  
տակն ու վրայ եղան :

Հերովդէս իւր պալատը ժողովեց խկոյն բոլոր Հրէից  
քահանայապետներն ու կարգացողները , հարցուց անոնց  
թէ Մեսիան ո՞ր պիտի ծնանի , Նոքա պատասխան տը-  
ւին թէ Հրէաստանի Բեթղեհէմ քաղաքը պէտք է ծնա-  
նի , որովհետև Միքիա մարգարէն այսպէս գրած է .

« Եւ դու Բեթղեհէմ՝ երկիր Յուդայ , ոչինչ կրտսեր ես  
յիշխանս Յուդայ . ի քէն ելցէ ինձ իշխան , որ հովուես-  
ցէ զժողովուրդ իմ զԽարայէլ » . այսինքն՝ Իսկ դուն՝ ով  
Բեթղեհէմ՝ Յուդայի երկիրը , դուն Հրէաստանի գըլ-  
խաւոր քաղաքներուն մէջ փոքրկութիւն մը չունիս . վա-  
որն զի քեղնէ իշխան մը պիտի ելնէ որ պիտի հովուէ իմ  
Խարայէլ ժողովուրդս :

Այս որ լսեց Հերովդէս , ծածուկ կանչեց մոգերն ու  
հարցուց իմացաւ թէ որ ժամանակէն սկսան տեսնուեալ  
քա այն աստղը . յետոյ ասաց որ երթան Բեթղեհէմ քա-  
ղաքին մէջ փնտռեն , և կեղծաւորութեամբ վրայ բերաւ  
թէ « Եւ յորժամ գտանիցէք՝ ազդ արասյիք ինձ , զի ե  
ես եկեալ երկիրագաղից նմա » . — Երբոր գտնէք այն աղ-  
ղան՝ իմաց տուէք ինձի որ ես ալ երթամ՝ երկրպագու-  
թիւն ընեմ իրեն :

Մոգերը թագաւորին առջևէն ելան որ երթան դէպ ի  
Բեթղեհէմ , անտարակոյս վարմանալով որ ոչ զինուորներ  
տուաւ նա իրենց օգնական և ոչ ճամբայ ցուցնող առաջ-  
նորդներ . բայց իրենց յոյսը Սասուածոց վրայ էր , և  
Սասուած դարձեալ առաջնորդեց նոցա : Այն աստղն  
որ տեսեր էին իրենց երկրին մէջ եղած ժամանակին ,  
նորէն երեցաւ ու սկսաւ առջևներէն երթալ , մինչև որ  
եկաւ դաղրեցաւ նորածին Փրկչին եղած տեղւոյն վրայ :  
Մնայատմելի եղաւ մոգերուն ուրախութիւնը՝ երբոր տե-  
սան իրենց նախածանօթ աստղը . մտան այն տունը , տե-  
սան զթագաւորն փառաց տղայական կերպի մէջ , և  
աւելի վեր ճանչնալով այն տղան իւր խոնարհագի և հա-  
մեստ մօրը զիրկը , քան թէ սնտոի պերճութեամբ դա-  
ւաղացեալ Հերովդէսը նորա թագաւորական ոսկեզօծ  
աթոռոյն վրայ , ընկան երեսի վրայ ու երկրպագութիւն

ըրկն Փրկչին . անով դո՛հ չեղան , բայցին իրենց հարրու-  
տութեան դանձը , և ընծայեցին իրեն խորհրդաւոր ըն-  
ծաներ՝ ոսկի , կնդրուկ և զմուռուս ոսկին՝ իբրև թագա-  
ւորի , կնդրուկը՝ իբրև Աստուծոյ , և զմուռուսը՝ իբրև Փրկչի  
ազգի մարդկան՝ չարչարանօք և մահուամբ :

Միտք ունէին երանելի մոգերը նորէն դառնալու  
Երուսաղէմ , ու պատմելու քարոզելու Հերովդէսին և  
ուրիշներուն իրենց տեսածներն ու հաւատացածները .  
բայց տեսիլքով պատուիրեց նոցա Աստուած որ չդառ-  
նան Հերովդէսին քով . ուստի ուրիշ ճամբով իրենց եր-  
կիրը գնացին :

Իսկ Հերովդէս տեսնելով որ մոգերը իրենց խոստ-  
մունքը չպահեցին , իմացաւ որ հասկըցեր են իւր չար  
գիտաւորութիւնը , որ էր զՅիսուս մանուկը մեռցընել .  
և փոխանակ զգաստանալու՝ աւելի կատղեցաւ . մարդիկ  
զրկեց Բեթղեհէմ և շրջակայ տեղերն ու որքան մանր  
տղաք որ կային երկու տարեկանէ վար՝ ամէնքն ալ թրէ  
անցընել տուաւ . որով այն անմեղ մանկունքը եղան  
առաջին վկայք և նահատակք մանկացեալ Փրկչին , թը-  
ռան առ Աստուած և կրարելիօսեն առ նա վասն ամե-  
նայն հաւատացելոց :

Յայտնի չէ թէ Քրիստոսի Տեառն մերոյ Ծննդենէն  
քանի օր ետքը եկան հասան մոգերը Երուսաղէմ , և  
անկէց Բեթղեհէմ : Սուրբ Աւետարանին խօսքերէն այն-  
պէս կերևի որ մոգերը Փրկչին Ծննդենէն դո՛նէ ամիս-  
ներով առաջ տեսած են աստղը . վասն զի Հերովդէս  
Բեթղեհեմի անմեղ մանկունքը ջարդել տուաւ՝ կասէ  
աւետարանը «Ըստ ժամանակին զոր ստուգեաց ի մո-  
գուցն » . այսինքն՝ Մոգերէն իմացած ժամանակին նա-  
յելով՝ երկու տարեկանէ վար եղած տղայքը ջարդել

տուաւ : Բայց շատ կարելի է որ նոքա հասած լինին  
նոյն իսկ Քրիստոսի Ծննդեան օրերը . ուստի և հովիւ-  
ներուն պէս Բեթղեհեմի այրին մէջ գտան դեռ զՅիսուս ,  
և հոն ըրին իրենց երկրպագութիւնը , և ոչ թէ այրէն  
դուրս՝ ուրիշ տան մէջ . և 13 կամ 20 օր ետքը , ինչ-  
պէս որ ոմանք կարծիք կընեն , և կըսեն թէ հովիւնե-  
րուն երկրպագութիւնը մոգերուն դալէն օրերով առաջ  
եղած է : Անոր համար մեր Սուրբ Եկեղեցին Քրիստոսի  
Ծննդեան օրը կկատարէ թէ հովիւներուն և թէ մոգե-  
րուն երկրպագութեան յիշատակը , և Շարականին մէջ  
շատ անգամ յայտնի խօսքերով ի միասին կ'յիշատակ-  
ուին մոգերուն ու հովիւներուն երկրպագութիւնները :

Նոյն պատճառաւ այս ամեր կասուի Աստուածաշաշ-  
նորիւն կամ պարզապէս Յայնևորիւն , որովհետև այ-  
սօր յայտնուեցաւ Աստուած մարմնով՝ հովիւներուն ու  
մոգերուն . յայտնուեցաւ նաև ի ձեռն Յովհաննու Մը-  
կըրտչի՝ վկայութեամբ Հօր Աստուծոյ և Հօգուոյն սրբոյ ,  
այսօր իսկ մկրտուելով Յորդանան զեռին մէջ :

Գիտնալու արժանի բան մի է , Քրիստոսասէր ունկըն-  
դիրք , որ հին ատենը ամենայն եկեղեցիք քրիստոնէից՝  
մեր եկեղեցւոյն պէս՝ Քրիստոսի Սուրբ Ծնունդն ու  
Մկրտութիւնը Յունուարի 6 ին կկատարէին , և տօնին  
անունը Աստուածաշաշնևորիւն յունարէն Թեօժուսիս  
կամ Յայնևորիւն (Էփիժուսիս) կանուանէին : Չորրորդ  
դարուն ետքերը Լատինացիք զանազան պատճառներով  
որոշեցին որ Քրիստոսի Ծնունդը՝ յիշատակաւ երկրպա-  
գութեան հովուաց՝ տօնեն Գեկտեմբերի 25 ին , և տա-  
սու իրեք օր ետքը՝ այսինքն Յունուարի 6 ին տօնեն Յայտ-  
նութիւնը՝ յիշատակաւ երկրպագութեան մոգուց և  
Մկրտութեան Քրիստոսի ի Յորդանան : Յետ ժամանա-

կայ Լատինացւոց սովորութեանը հետեւեցաւ նաև Յու-  
նաց եկեղեցին . իսկ մերը միշտ անխախտ պահեց հին  
սովորութիւնը : Եւ թէպէտ այս պատճառաւ ոչ սակաւ  
զէճ ու գոթութիւն ունեցեր են օտարները մեր ազգին  
հետ , բայց զուր տեղը . գուցէ շմաածելով որ Հայաս-  
տանեայց Եկեղեցւոյ բրածը ոչ թէ նորաձևութիւն է ,  
այլ նախնի առաքելաւանդ սովորութեան անխախտ պահ-  
պանութիւն . եւ թէ Քրիստոսի Տեառն՝ մերոյ Ծննդեան  
ու Մկրտութեան հաւատալը անհրաժեշտ պարտք է  
արդարև ամենայն քրիստոնէից , և անոնց տարեկան յի-  
շատակը տօնական հանդիսիւ կատարելը՝ ամենայն կեր-  
պով պահաշած եւ վայելուչ և օգտակար , բայց որովհետև  
Սուրբ Աւետարանը հարկաւոր ճանչցած չէ մեզի իմացը-  
նել՝ թէ ճիշդ տարւոյն որ օրը հանդիպած են այն տօները ,  
ու ստի և Եկեղեցին չը պահանջեր որ անպատճառ ամե-  
նայն քրիստոնեայք նոյն օրը կատարեն այս կամ այն տօ-  
նը : Թէ Աստուած և թէ Սուրբ Եկեղեցին ինչ կպահան-  
ջեն ամենայն իրաւամբ , և թէ ոչ այս , որ քրիստոնեայ  
ազգերը՝ իւրաքանչիւրը իւր սեպհական լեզուովն ու  
արարողութեամբը՝ մեծ ջերմեռանդութեամբ կատարեն  
այսպիսի հրաշափառ տօները , և իրենց ջերմեռանդու-  
թիւնը գործով ցուցնեն՝ քրիստոնէական սիրով ու նե-  
րողամտութեամբ վարուելով իրարու հետ . այս հոգւով  
ու մտքով երգեն այսօրուան օրս հրեշտակային խորհրդա-  
ւոր փառաբանութիւնը . «Փառքի բարձունս Աստուծոյ ,  
և յերկիր խաղաղութիւն , և մարդիկ հաճութիւն , »

Մ Կ Ր Տ Ո Ւ Թ Ի Ի Ն

Ք Ր Ի Ս Տ Ո Ս Ի

ԿՄՆԱՅ որ քանի մը խօսք ալ ասեմք այսօրուան տօնին  
երկրորդ մասին վրայ , որ է Մկրտութիւն Քրիստոսի :

Սուրբ Աւետարանը յայտնապէս կասէ թէ Քրիստոս  
Տէրն մեր երեսուն տարեկան որ եղաւ՝ դնաց Յորդանան  
դեառ որ մկրտուի Յովհաննու Մկրտչի ձեռքովը : Հարք  
և Վարդապետք Եկեղեցւոյ ասկից առնելով , գուցէ և  
առաքելական աւանդութեամբ , կհամարին՝ թէ Յիսուսի  
Մկրտութիւնն ալ հանդիպած է Ծննդեանը տարեդար-  
ձին . և որովհետև Քրիստոսի Աստուածութիւնը Մկր-  
տութեանը ժամանակն ալ յայտնուեցաւ ազգի մարդկան ,  
վայելչապէս կկատարուի նաև Մկրտութեան յիշատակը՝  
Աստուածայաշնորհիւ կամ Յայշնորհիւ կոչուած տօ-  
նիս հետ մէկ օր : Տեսնեմք այժմ Քրիստոսի Տեառն մե-  
րոյ Մկրտութեան պատմութիւնը :

Յովհաննէս Մկրտչի ի մանկութենէ անապատին մէջ  
մեծնալով սրբութեամբ , հօն կեցած էր ճգնաւորական  
վարքով մինչև իւր կենաց երեսունեկերորդ տարին :  
Աստուած հրամայեց իրեն որ երթայ քարոզէ Հրէից՝ Մե-  
սիային դաւաւար , և պատրաստէ զանոնք՝ Քրիստոսի

աստուածային վարդապետութիւնները լսելու : Գնաց Յովհաննէս Յորդանան գետին քովերը, և սկսաւ խրատ տալ ամենուն որ իրենց մեղքերուն վրայ ապաշխարեն եւ այն իրենց ապաշխարութեանը նշան՝ դան խոստովանին մեղքերնին իւր առջևն ու գետին մէջը մկրտուին՝ այսինքն լուացուին իւր ձեռքովը . «Ապաշխարեցէք, կասէր, զի մերձեալ է արքայութիւն երկնից» .




— Եկաւ մօտեցաւ այն ժամանակը՝ յորում Աստուծոյ թագաւորութիւնը պիտի սկսի երկրիս վրայ Մեսիային բարոզութեամբը . ուստի ապաշխարեցէք :

Հրեայք տեսնելով Յովհաննու Մկրտչի խոստամբեր վարբը, — որ հազուստի տեղ՝ ըղտու մտթ առած էր վրան ու մէջքը կաշիէ դօստի կապած, կերածն ալ մարախ ու վայրի ազատ մեղուներու շինած մեղրը, — սկսան խուճը խուճը դովը դալ Հրէաստանի ամէն կողմերէն, տուած խրատները մտիկ անել, ու մեղքերնին խոստովանելով մկրտուել : Տեսաւ Մկրտիչն որ հասարակ բարեպաշտ ժողովը ըլլեան հետ մէկանդ եկեր ին իրմէ մկրտուելու նաև

չատ Սադուկեցիներ ու Փարիսեցիներ՝ կեղծաւորութեամբ, և մարդարէտարար գիտնալով նոցա դիտաւորութեան ծուռութիւնը, նոցա ինքնահաւան հպարտութիւնն ու չարասրտութիւնը, սաստիկ խօսքերով յանդիմանեց զանոնք ու ասաց . Օձերու զաւակներ, ուսկից սովերեր էք ասելու որ իբր թէ դուք ազատ պիտի մնաք այն Աստուծոյ բարկութենէն որ պիտի գայ հասնի ձեր վրայ : Նայեցէք որ այսուհետև ձեր ապաշխարութիւնը ձեր վարքովն ու դործովը յուցընէք, և ոչ թէ միայն այս արտաքին արարողութեամբ : Մէկդի թողուցէք այդ ձեր ունայն պարծանքը որով կպարծենաք թէ Արքահամնահապետին պէս հայր ունիք ձեզի . հաւատացէք որ Աստուած ձեզի ամենեւին կարօտ չէ, այլ կարող է այդքարերէն Արքահամու զաւակներ հանել : Այժմ այնպիսի ժամանակ է որ կացինը ծառերուն տակը պատրաստ կեցած է . որ ծառն որ բարի պտուղ չբերեր՝ իսկոյն կը կտրուի ու կրակը կձգուի :

Ժողովուրդը մարդարէին խօսքերէն դարձի գալով կը հարցընէին իրեն թէ Աւրեմն ի՞նչ պիտի անեմք որ բարի պտուղ տուող ծառերուն նման լինիմք : Յովհաննէս պատասխանեց թէ Բարեգործութեանց մէջ առաջինը ողորմութիւնն է . ուստի ով որ երկու ձեռք հազուստ ունի՝ թող մէկ ձեռքը չունեցողին տայ . նոյնպէս թող անէ աւելի կերակուր ունեցողը : Զինուորականները ունեւոր չլինելով, և ուրիշներուն պէս ողորմութիւն տալու կարողութիւն չունենալով, հարցուցին Յովհաննու թէ Հապա մեք ի՞նչ անեմք որ բարեգործ համարուիմք : Նա պատասխան տուաւ թէ Նայեցէք որ ամենեւին մէկու մը զրկանք չանէք, մէկու մը վրայ ստութեամբ յանցանք չձգէք, և ձեր առած ուճիկովը դո՛հ լինիք :



Այնքան հաւնեցան ժողովուրդները Յովհաննու խօսքերուն որ սկսան տարակուսիլ թէ մի գուցէ նա է Քրիստոսը՝ այսինքն Մեսիան՝ որում այն միջոցներուն աւելի կսպասէին : Հասկըցաւ Յովհաննէս նոցա միտքն ու ասաց Ոչ, ես Քրիստոսը չեմ. ես եկեր եմ զձեզ ջրով մկրտելու՝ ձեր ազախտարութեանը նշան . բայց իմ ետեւէս եկողը ինձնէ շատ աւելի զօրաւոր է, այնպէս որ ես նորա կօշիկներուն կապերը քակելու կամ կօշիկները վերցնելու անգամ արժանի չեմ. նա պիտի մկրտէ զձեզ Հօգևով սրբով, և անարժանները կրակով : Նա հեծանոցը՝ այսինքն ցորենը հովի տալու գործիքը ձեռքն առած, իւր կալը պիտի մաքրէ . ցորենը իւր շտեմարանները պիտի ժողվէ պահէ, իսկ յարդը պիտի այրէ չմարելու կրակով :

Նայն օրերը Քրիստոս Տէրն մեր Գալիլիայի Նազարէթ քաղաքէն եկաւ Յորդանան գետին քովն որ Յովհաննէսէն մկրտուի : Ճանչցաւ Յովհաննէս զՅիսուս, խոստովանեցաւ նորա գերազանցութիւնն ու աստուածութիւնը, «Ես պէտք է քեզնէ մկրտութիւն առնում, դուն ինձի կուղաս» ասաց Յիսուսի : Յիսուս պատասխանեց թէ «Այժմ ձայն մի հաներ, այս կերպով պէտք է որ մեր ի գործ դնեմք խոնարհութեան՝ հեղութեան և ամենայն առաքինութեան սկզբունքները» : Հասկըցաւ Յովհաննէս Յիսուսի խօսքին նշանակութիւնը և մկրտեց զինքը : Յիսուս մկրտուածին պէս ջրէն դուրս ելաւ ու ալօթքի կեցաւ . իսկոյն երկինքը բացուեցաւ, տեսաւ Յովհաննէս և բոլոր ժողովուրդը որ Հոգին սուրբ ազաւնիի կերպարանքով իջաւ այն լուսաւոր երկինքէն Յիսուսի վրայ, Հայրն Աստուած ալ վկայեց երկինքէն ահեղ ձայնով մը թէ «Դա է Որդի իմ սիրելի, ընդ որ հաճեցայ» :

Ասոնք են ահա Աստուածայայտնութեան տօնիս մե-

ծամեծ խորհուրդները, և ասոնք կրացատրէ Եկեղեցին իւր շքեղ հանդէսներովն ու կարգացմունքներովը :

Հանդէսներուն առաջինը այս է որ նախընթաց օրէն նախատօնակ անելով՝ Ճրագալոյց կկատարէ, այսինքն երեկոյեան ժամուն պատարագ կմատուցանէ, և հրաման կուտայ հաւատացելոյ որ ի նշան հոգևոր ուրախութեան՝ լուծեն ու թօրեայ չօրակերութիւնն ու պահքը,



և յետ սրբոյ պատարագին խորում անեն՝ հաւկթեղէն ու ձկնեղէն ճաշակելով ըստ նախնի սովորութեան շատ քրիստոնէից, և ըստ օրինակին Ճրագալուցի սրբոյ Զատիկին :

Երկրորդ հանդէսն այս է որ Աստուածայայտնութեան տօնիս առաւօտեան ժամերգութեան ատենը՝ Փառք ի բարձունսն առաջ Ծննդեան աւետարանը կկարդացուի բեմին վրայ, և երբ այն տեղը կհամնի որ կասէ թէ հրեշտակաց բազմութիւնը սկսաւ երգել, «Փառք ի բար-

Հունս Աստուծոյ, և յերկիր խաղաղութիւն, ի մարդիկ հաճութիւն», դպիրներն ու բոլոր հաւատացեալ ժողովորդը կշարունակեն երգը այն խօսքերով՝ որաւանդութիւն է թէ սրբոց առաքելոց շարադրածն է. «Եւ օրհնութիւն քեզ ի բարձունս. օրհնեալ ես Տէր Աստուած մեր, օրհնեմք զքեզ և գովեմք զքեզ» և այլն :

Երբորդ հանգէսն է Զրօրհնէքը, այսինքն Քրիստոսի Տեառն մերոյ Մկրտութեան յիշատակը, որ կկատարուի այսօրուան սուրբ պատարագէն ետքը՝ խորհրդաւոր շարականներով, ընթերցուածներով, աւետարանով, ջուր օրհնելով՝ ի նշան Յորդանանու, Խաչը ջուրը ձգելով՝ ի նշան Մկրտութեան Քրիստոսի, եւ սուրբ Մեռոնը կաթեցընելով ջրին վրայ՝ ի նշան իջանելոյ Հոգւոյն սրբոց աղաւնոց կերպարանքով՝ Յիսուսի վրայ :

Այս ամենայն գեղեցիկ հանդէսներուն մէջ և բոլոր այս ութօրէից միջոցին երգուած շարականներն ու սաղմոսները սքանչելի իմաստներով և հոգելից խօսքերով հիւսուած են, որոց թարգմանութիւնն ու բացատրութիւնը կարելի չէ համառօտիւ յառաջ բերել : Բաւական համարիմք միայն այս առաջին աւուր շարականներէն մէկ քանին յիշատակել՝ տուն առ տուն բացատրելով :

«Պարհուրդ մեծ եւ սխանելի  
Որ յայսմ աւուր յայտնեցաւ .  
Հովիւքն երգեն ընդ հրեօսակս ,  
Տան աւետիս աշխարհի : »

— Այս ինչ մեծ ու հրաշալի խորհուրդ է որ այս օրուան օրս յայտնուեցաւ . անոր համար հովիւները հրեշտակաց

հետ ի միասին զԱստուած փառաբանելով՝ բոլոր աշխարհիս աւետիս կուտան այս խօսքերով .

«Օնաւ նոր արեայ  
Ի Բերդեմէմ քաղաքի .  
Որդիք մարդկան, օրհնեցէք,  
Զի վասրն մեր մարմնացաւ : »

— Նոր թագաւոր մը ծնաւ Բեթղեհէմ քաղաքին մէջ . ով որդիք մարդկան, օրհնեցէք ու գովեցէք զինքը, վասն զի մեղի համար մարդկային մարմին առաւ :

«Անբաւելին երկնի եւ երկրի  
Ի յասնձարուս պատեցաւ .  
Ոչ մեկնելով ի Հօրէ  
Ի սուրբ այրին բազմեցաւ : »

— Նա որ բոլոր երկնքին ու երկրիս մէջ չբովանդակուիր իբրև Աստուած՝ խանձարուրքի մէջ պատեցաւ իբրև մարդ . Հօր Աստուծոյ քովէն չզատուելով ամենևին՝ իբրև Աստուած, նա ինքն սուրբ այրին մէջ բազմեցաւ մարդկային մարմնովը :

«Այսօր ցնծան երկինք ի վերուստ մեծապայծառ աւետեօք, եւ արարածք ամենայն զգեցան հանդերձ փրկութեան» . — Այսօր վերէն բոլոր երկինքը մեծ ցնծութեան մէջ է՝ աւետաւոր ձայներով, եւ բոլոր բանական արարածները աղատութեան եւ ուրախութեան հաղուստներով զարգարուեցան :

«Այսօր յայրին ընծայեցաւ Քրիստոս Որդին Աստու-

ծոյ , և հրեղինաց բազմութիւնքն յերկնից յերկիր վայրիջեալ : — Այսօր այրին մէջ ընծաներ ընդունեցաւ մագերէն Որդին Աստուծոյ Քրիստոս , և հրեղէն զօրաց անթիւ բազմութիւնը երկնքէն երկիր իջան :

« Այսօր հովուացըն տեսեալ զարդարութեան արեղակըն , և ընդ հրեշտակս երգէին , Փառք ի բարձունս Աստուծոյ » : — Այսօր հովիւները տեսնելով զՔրիստոս որ արդարութեան արեւն է , հրեշտակներուն հետ մէկտեղ կերգէին , Փառք ի բարձունս Աստուծոյ :

« Ծնար ի կուսէ անճառ միութիւն . անբաժանելի և միշտ գոլով՝ ոչ մեկնեցար ի հայրական ծոցոյ . դքեղ օրհնեմք Աստուած հարցն մերոյ » : — Թէպէտ Սուրբ Կուսէն ծնար մարմնով , բայց քու անճառելի միութիւնդ՝ աստուածութիւնդ՝ չբաժնուած մնաց , ինչպէս որ անբաժանելի էր ի յաւիտենից , և դու Հօր Աստուծոյ գրկէն չհեռացար մարդանալովդ , դքեղ կօրհնեմք՝ որ մեր հարցը Աստուածն էս :

« Աւրախ լեր՝ Աստուածածին , յոյս և փրկութեան մայր . դքեղ , ընդունող լուսոյ , մեծացուցանելք » : — Ողջոյն ընդ քեզ՝ սուրբ Աստուածամայր , յոյս մեր և մայր Փրկչին մերոյ . ս' ընդունարան անճառելի լուսոյն , դքեղ ամէնքս կբարեբանեմք :

« Զ' ի Կուսէն մարմնացեալ Քանն՝ եկայք ժողովուրդք՝ ընդ հովիւսն բարեբանեցուք , և ընդ մոգուցն երկըրպազեացուք . ընդ երկնային զօրան երգեսցուք , Փառք ի բարձունս Աստուծոյ » : — Եկէք , ս' չհաւատացեալ ժողովուրդք , հովիւներուն հետ օրհնեմք ու փառարանեմք զՔանն Աստուած որ մարմին առաւ ի Սուրբ Կուսէն , և մոգերուն հետ ի միասին երկրպազութիւն ընեմք

իրեն . երկնային զօրաց՝ այսինքն հրեշտակաց հետ ալ երգեմք Փառք ի բարձունս Աստուծոյ :

Այսպիսի յորդորական , աւետաւոր , ցնծալից և խրատական խօսքերով կկատարէ այսօր սուրբ Եկեղեցին Աստուածայայտնութեան տօնը , Քրիստոսաաէր ունկընդիւրք , և կցանկայ որ երջանիկ հովուաց անմեղութեամբ ու խոնարհութեամբը , երանելի մոգերուն հաւատովն ու ջերմեռանդութեամբը , եւ սրբոց հրեշտակաց փառաբանական խօսքերովը տօնեմք մեք այս հրաշափառ տօնը : Բայց ասոնցմէ աւելի ալ օգտակար կճանչնայ մեզի այս խրատը՝ որ բաւական չհամարիմք ուրախական ջերմեռանդութիւնները , այլ ջանամք հետեւիլ այն սքանչելի առաքինութեանց՝ որոց օրինակը անձամբ կուտայ մեզի այսօր Տէրն մեր իւր հանգչած մտուրին մէջէն :

Այս առաքինութեանց առաջինն ու զխաւորը խոնարհութիւնն է . այնպիսի խոնարհութիւն՝ որոյ առջև ամենայն հպարտութիւն մարդկային պէտք է հալածուի ու ոչնչանայ : Ասան զի եթէ Աստուած , արարիչն երկնի և երկրի , հաճեցաւ անգոր և տկար տղու մը կերպարանքով ծնանիլ յաղքատիկ մօրէ անչուք դովի մէջ , ու մտուրի մը մէջ չոր խոտի վրայ պառկիլ , ս'ր մարդը՝ ս'ր քրիստոնեան կհամարձակի աշխարհիս սնտոի մեծութիւնները վինտել , աշխարհիս անցաւ որ հարստութեանցը ետեէն ընկնիլ , վայրկենական փափկութիւններու ցանկալ , և եթէ ձեռք ձգէ՝ անոնցմով հպարտանալ , և իրմէ փոքրերուն վրայ բռնանալ , դուռողանալ : Կամ ս'ր աղքատ քրիստոնեան տեսնելով այսօր զՏէրն տերանց այնպիսի աղքատութեան ու խոնարհութեան մէջ ինքն ալ չխոնարհիր , չմտիթարուիր , չյորդորուիր սիրով և



ուրախութեամբ համբերելու իւր քաջած խեղճութիւնն- ներուն :

Նոյն աստուածային խոնարհութեան մէկ մեծ օրինակն ալ տուաւ մեզի Տէրն մեր այսօր իւր Մկրտութեամբ- քը , որ ուրիշ ապաշխարող մարդկանց պէս դնաց իւր ծառայէն մկրտութիւն ընդունելու : Ո՛ւր կ'մնան ուրեմն այն փառամուր և անձնասէր անձինքն որ ամէն բանի մէջ կ'ջանան ուրիշ ամէն մարդիկներէ վեր երևնալ , թէ- պէտ և գուցէ իրենք շատ կողմանէ շատերէն վար են ու անարդ՝ իրենց մեծամեծ պակասութիւններով :

Բայց մեք վերջացրեմք այսօրուան լարանը՝ քանի մը խօսք ալ ասելով Բեթղեհեմի և Յորդանանու վրայ , որ այսօրուան տօնիս մեծ ուխտատեղիներն են :

Նրուսաղեմէն ետքը իրաւ որ քրիստոնէից համար ամենէն ցանկալի ուխտատեղին Բեթղեհեմ քաղաքն է : Հոն ծնած է Գաւթ մարդարէն , անոր համար քաղաքի Գաւթի ալ կասուի . բայց անհամեմատ առաւելութեամբ մեծ է Բեթղեհեմի փառքը ասով որ հոն ծնաւ Աստուածն Գաւթի , Բանն մարմնացեալ ի Կուսէն : Երուսաղեմէն հեռաւորութիւնը վեց մղոնի չափ է . քարոտ բլուրի մը վրայ շինած՝ ատենով ամուր բերդաքաղաք էր , իսկ այժմ գիւղի նման բան մի մնացեր է՝ մանր քառակուսի տներով ու աղքատիկ բնակիչներով : Բեթղեհեմի նշանաւոր շէնքը այժմ վանքն է՝ բերդի նման շինած , որ երեք մաս բաժնուած է . նոյնպէս երեք կտոր բաժնուած կ'համարուի նաև եկեղեցին . ասոնցմէ մէկը Յունաց ձեռքն է , մէկը Հայոց , և մէկը Լատինացոց :

Բեթղեհեմի եկեղեցին շինուած է Քրիստոսի Տեսան մերոյ ծնած այրին վրայ : Ապամեն թէ Ագրիանոս կուսակալը կոյրը ուզելով անսրգել այն սուրբ այրը ,

բազին մը կանգնեց էր վրան ու Ադոնիս կուսքին ար- ձանը դրեր էր , որ հեթանոսները պաշտեն . բայց անկից երկու հարիւր տարիի չափ ետքը Հեղինէ թագուհին , որ Մեծին Կոստանդիանոսի մայրն էր , այն կուսքը և բազինը կործանեց , ու տեղը հայակապ եկեղեցի մը շինեց՝ որ մինչև ցայժմ կեցած է , թէպէտ և շատ անգամ նորոգուած : Քառասունութը հատ մեծամեծ սիւներ կան մէջը՝ միակտուր դեղին մարմարիոնէ , ամէն մէկուն քարձրութիւնը տասնըութը ստնաչափ , և շատ մը պատուական միւսիոններ ու քաջուածքներ՝ հանդերձ զանազան հարուստ զարդարանքներով : Եկեղեցւոյն մէկ կողմէն սանդաղներով կիջնան Քրիստոսի Մենդեան այրը , որ զատ մատուռ մի է անկանոն ձևով՝ բայց դեղեցիկ ու զարդարուն : Այս այրը դրսէն լոյս առնելու տեղ չունենալով , գիշեր ցորեկ կ'վառին մէջը բաղնաթիւ կանթեղներ՝ որ Ներսիսացի թագաւորաց յուղարկած յիշատակներ են , ինչպէս նաև մէջի ոսկեթել վարագոյրները և ընտիր պատկերները : Յիսուսի Փրկչին մերոյ ծնած տեղը ազնիւ մարմարիոն մը դրուած է ճերմակ , մէջտեղը յասպիս (եէշիս) քարով ու ճառագայթներով արևի նման ձևացուցած , անոր վրայ գրբուած է Լատիներէն այսպէս :

Աս ի Կուսէն Մարիամայ  
Մնա Յիսուս Քրիստոս .

Այրին պատերը , նմանապէս յատակը , մարմարիոն քարով պատած են : Մատրան հարաւային կողմը՝ Քիչ

Տը պատին մէջ ներսով ու խորունկ՝ Մտուրին տեղն է ,  
և հոն ալ միշտ երեք կանթեղ կվառի :

Գամբ Յորդանան գետին :

Այս հռչակաւոր գետը , որ Յեսուայ ժամանակը ապանակին գորութեամբը երկու բաժնուեցաւ . երկրորդի մօտ , Իսրայելացւոց ճամբայ տուաւ Աւետեաց երկիրը մտնելու , յետոյ Եղիա ու Եղիսէ մարգարէներուն ալ հնազանդեցաւ ու Եղիայի մաշկեկովը բաժնուեցաւ երկուքի , Յիսուսի Մկրտութեամբը նախանձելի աւազան եղաւ սրբութեան ամենայն հաւատացելոց : Կրդիսի Սներ Լիբանանու ասուած լեռներէն , ու կթափի Մեռեալ ծովը , և Հրէաստանի ամենէն մեծ գետն է : Երկու եղերքը այնպէս դաւարագեղ ու ծառերով ծաղկներով զարդարուած է որ բոլոր Հրէաստանի մէջ այժմու ժամանակս Յորդանանու հովտին պէս գեղեցիկ ու բարեբեր տեղ չկայ :

Քրիստոնեայ ուխտաւորները մեծ շրմեռանդութեամբ կլուացուին Յորդանան գետին մէջ , և ոմանք այն պատանքի լաթովը շուրը կմտնեն՝ որով որ իրենց մեռնելէն ետքը կուղեն պատընքուիլ ու այնպէս թաղուիլ :

Մեք երանի տամք այն քրիստոնէից և նոցա ամենեցուն որ եթէ բուն և նիւթական Յորդանանին ուխտի չեն կրնար երթալ , այսօրուան Զրօրհնէքին ներկայ դառնուին շրմեռանդութեամբ , և Ծարականին այս սրտաուռ խօսքը կասեն . « Սրբեա , Տէր , զմեզուցեալ քոց ծառայից զգայարանս , և շնորհեա տեսանել զքեզ , և լսել զհայրական զձայնն՝ եթէ Դա է որդի իմ սիրելի » : —

Ո՛վ Տէր , սրբէ մաքրէ քու մեղաւոր ծառաներուդ զգայարանքները , և այս մեծ շնորհքը ըրէ մեզի որ տեսնեմք զքեզ և լսեմք Հօր Աստուծոյ գորովական ձայնը թէ Դա է իմ սիրելի որդիս : Նմա փառք և գոհութիւն հանդերձ Որդւոյն և Ամենասուրբ Հոգւով այժմ և միշտ և յաւիտեանս յաւիտենից . Ամէն :



Հ Ր Ա Տ Ա Ր Ա Կ Ե Ա Լ

Աւագ Երկուշաբթի .  
Աւագ Երեքշաբթի .  
Աւագ Չորեքշաբթի .  
Երուսաղէմի առումն ու տաճարին կործանումը .  
Կոստանդնուպոլսոյ առումն յՅամանեանց .  
Աւագ Հինգշաբթի .  
Աւագ ուրբաթ .  
Չատիկ սուրբ Յարութեան Տեառն .  
Սուրբ Հոփսիմեանք .  
Համբարձումն .  
Հոգեգալուստ .  
Վարդավառ .  
Վերափոխումն .  
Սուրբ Խաչ .  
Ծնունդ եւ Յայտնութիւն Տեառն .

Պ Ա Տ Ր Ա Ս Ի Տ Պ Ա Գ Ր Ո Ւ Թ Ի Ի Ն

Տեառնընդառաջ .  
Բուն Բարեկենդան .  
Սուրբ Գրիգոր Լուսաւորիչ .  
Որդիք եւ բողոք սրբոյ Լուսաւորչին .  
Մեծն Ներսէս Պարբե .  
Սուրբ Սարգիս զօրավար .  
Սուրբ Մինաս .  
Սուրբ Անտոն ձգնաւոր .  
Յոբ երանելի .  
Թադէոս առաքեալ . Ս. Սանդուխտ կոյս եւ Ս. Շուշանիկ .  
Ժամ եւ Ժամերգութիւն .  
Երկինք .  
Արեւն ու Մոլորակները .  
Ջերմութիւն եւ Ջերմաչափ .  
Մետեորագիտութիւն , կամ Գուշակութիւնք օդոց .  
Մրջինք ու Մեղուք .  
Տնտեսութիւն .  
Եգիպտոսի ճնութիւնները . եւ այլն :

7. hli Sksruylju 5 4. nrniz

